

4
1-2

宜州家乘
吳船錄

宋黃庭堅著
宋范成大撰

進步書
局校印

藏
子
船
PDC

宜州家乘提要

宋黃庭堅撰一卷庭堅謫居嶺表在崇寧四年正月朔卒於秋末此八九月中雖無特殊事可書然風雨晦明以及出入起居排日紀載後之景仰其人者亦藉是有所參稽元名乙酉家乘山谷全集中不載非范信中之故人錄以見示沉淵之珠烏能忽耀人間乎

宜州家乘序

崇寧甲申秋余客建聞山谷先生謫居嶺表恨不識之遂泝大江歷潞浦舍舟於洞庭取道荆湘以趨八桂至乙酉三月十四日始達宜州寓宿崇寧寺翼日謁先生於僦舍望之真謫仙人也於是忘其道途之勞亦不知瘴癘之可畏耳自此日奉杖屨至五月七日同徙居於南樓圍棋誦書對榻夜語舉酒浩歌跬步不相舍凡賓客來親舊書信晦明寒暑出入起居先生皆親筆以記其事名之曰乙酉家乘而其字畫特妙嘗謂余他日北歸當以此奉遺至九月先生忽以疾不起子弟無一人在側獨余為經理其後事及蓋棺於南樓之上方悲慟不能已所謂家乘者倉卒為人持去至今思之以為恨也紹興癸丑歲有故人忽錄以見寄不謂此書尚爾無恙耶讀之恍然幾如隔世因鏤板以傳諸好事者亦可以見先生雖遭謫處憂患而未嘗戚戚也視韓退之柳子厚有間矣東坡云御風騎氣與造物者游信不虛語哉甲寅四月望日蜀郡范寥信中序

宜州乙酉家乘

宋 黃庭堅著

四年春正月庚午朔。元明自永州與唐次公俱來。居四日矣。是日州司理管及時當來謁元明。飲屠蘇。

二日辛未。小雨。遣永州脚夫四人回。寄糟鱉鰾胸梨蠔子大燭草豆蔻蠟作末酉亥。暉肥。元明次公會食罷。步出小南門。西過龍水縣。道遇崇寧道人文慶。

三日壬申。陰微寒。食罷。元明次公對棋。予獨步至安化門。得黃雀數十。

四日癸酉。微陰。區叔時與元明次公同飯。為元明作花吉貝背子。與叔時棋。叔時再勝而三敗。

五日甲戌。晴。郡守而下來謁元明。得柘姑。

六日乙亥。四山起雲。而朝見日。大熱。纔袂衣。始遣書禁入新居。

七日丙子。陰。辰巳大雨。入新居。大寒。

八日丁丑。晴。發張載熙兄弟。馮當時。周惟深書。得大含笑一枝。叔時來棋。人勝一籌。叔時三勝而四敗。

九日戊寅晴。從元明步至管時當莫踈亭。

十日己卯晴。步至三角市。食罷。從元明步自小南門繞城觀四面皆山。而無林木。歷西門北門東門正南門。復由舊路而還。得曹醇老書。寄二酒乾筍菌生熟栗黃甘山獐。

十一日庚辰陰。從元明步出小南門西入慈恩寺。又西入香社寺。乃折而東入植福寺。略龍水鄉而歸。

十二日辛巳朝雨霽。巳午晴。

十三日壬午立春晴。又陰。從元明步出小南門訪崇寧道人文慶。卧於慶公之室。紫堂山人王漸僧惠宗實同行。

十四日癸未晴。又陰。夜從元明步出東門上高寺。入天慶觀。乃至崇寧寺。僧從廣自融州迴。

十五日甲申晴。得嗣文書。送五緘。報嗣深自光山罷歸。得先民辟通行交子司勾當兄弟仕同郡而不闕法可慶也。報知命長女與其壻張鈞及其姑之乳媼來留半月。十六日乙酉晴。夜從元明步至崇寧寺。

十七日丙戌晴。從元明浴於小南門石橋上民家浴室。與叔時棋。叔時三北。太醫朱激饋雙鷺。

十八日丁亥。晴。大熱。不可袂衣。

十九日戊子。又陰。小冷。可重袂衣。得華陰細辛於王紫堂。初見棟實。與口產不異。二十日己丑。陰。大寒。可重繭。得永州平安書。并得南豐無恙書。知李倩女睦家音問。云欲遣人至宜。元明得李磁州及女嫺書相書。報張子發出自訟齋。會蔣子人鄒得久稅於高山寺。借馬從元明游南山及沙子嶺。要叔時同行。入集真洞。蛇行一里餘。秉燭上下處處。鍾乳蟠結。皆成物象。時有潤壑。行步差危耳。出洞。頃之得張貴州書。傳致范德孺。晁無咎書。夜中急雨。寒甚。

二十一日庚寅。陰。夜從元明過王紫堂。中夜大雨達旦。

二十二日辛卯。雨不已。

二十三日壬辰。晚雨乃晴。遣武陽書。家州書。貴州書。入夜小雨徹明。

二十四日癸巳。雨不已。得曹醇老書。以元明至宜。予暫開肉。故寄一羊及子魚鰾。胸蛤蜊醬。蟹螯醋。蟹醬。金橘三百。并為督到。王漉通錢九千。

二十五日甲午晴。袁安國對棋。且勝且敗。而安國負七局。

二十六日乙未。晴。不見日。崇寧道人來。速元明及予同飯。

二十七日丙申。陰。不雨。

二十八日丁酉。晴。從元明游北山。由下洞升上洞。洞中嵌空多結成物狀。又有泉水。清澈勝南山也。

二十九日戊戌。晴。

三十日己亥。陰。不雨。氣候差溫。叔時來棋。且勝且敗。而叔時負三局。為元明作平氣丸成。樂善寨黃遠送雪菌。臘酒。後凍雨。夜雨達旦。

二月庚子朔。雨不已。小寒。帶溪文頴到。羊見餽。繼以建溪北果。又以萬錢為壽。是張子發之媚壻也。

二日辛丑。雨甚。可復近火。

三日壬寅。要秦禹錫區叔時同酌。元明與叔時棋。叔時負三局。

四日癸卯。雨。

五日甲辰。晴。又雨。諸人置酒餞元明於崇寧。并召予。予亦宿崇寧寺。

六日己巳晴。天極溫。才可袂衣。與諸人飲。餞元明於十八里津。

七日丙午晴。似都下四月氣候也。象州人回。得才叔書。報松柏市之繹已達。得李仲牖書。寄建溪葉剛四十銖。婆娑香四兩。蜀笈四軸。蠶桶赤魚鰓五十。并得少伊書。

八日丁未。曉寒甚。已而小雨。又晴。

九日戊申。陰寒不雨。步到崇寧。采薺作羹。叔時來對棋。

十日己酉。雨。不甚寒。得元明丙午柳城書。報周通叟作象州教授。要求蘇舟為鄒至。虛乞正書兩紙。唐次公自柳州來。送菖蒲酒四器。是日午後雨止。

十一日庚戌。晴。唐次公來。共蔬飯。

十二日辛亥。雨。又霽。夜中凍雨。

十三日壬子。雨。作素包子。召次公不至。得元明書。

十四日癸丑。晴。又雨。柳州僧禪進。送才叔上元日書。遣高德修書。

十五日甲寅。雨。發元明甲子書。下重醞酒。

十六日乙卯。晴。答禪進書。夜中月明。

十七日丙辰。晴。葉鈞元禮來約相見。

十八日丁巳晴。又陰而不雨。天小寒。唐更元老寄書。并送崖香八兩。

十九日戊午陰。不雨。得元明十二日師塘鋪書。

二十日己未雨。崇寧道人同宗廣二僧王紫堂來。暇素包子。累日苦心博合定志小

九成。

二十一日庚申晴。初見日。發元明乙丑寄書。午雨。晚晴。夜雨。

二十二日辛酉雨不已。崇寧慶公來。遂率至寺中。食包子。僧崇廣之全州。

二十三日壬戌雨。

二十四日癸亥雨止。氣微溫。小許送鴈鴒六。王沙監送溪魚十五。皆班諸鄰。得鞭筍

二十餘甚美。

二十五日甲子晴。不可挾纊。蔣侃送蠻布坐薦四。絮以葦花。金鈴子雪菌各一節。三

鼓馬軍營外火焚十家。

二十六日乙丑晴。得元明二月十四日丁卯書。寄詩一篇。青玉案一篇。滑石壓紙五

枝。得相祝正月二十八日平安書。得李德素洎李郎三十日本月十七日書。將侃送

山藥。佳。莫洞送雪菌。得天民正月書。報鄉中事種種。

新知縣陳夔宣德二月上得戴坤父正月五

日書。

二十七日丙寅晴。發元明丙寅書。

二十八日丁卯微雨。不寒。發相稅書。

二十九日戊辰。社雨。得賓州王元道書。送丙椰子及來陽大箸。晝晴驟溫。可單衣。

閏二月己巳朔晴。中夜凍雨。

初二日庚午。晚晴終日。夜雨達旦。

初三日辛未。雨。王佺來求白鷗。得雌雄一雙與之。此爾雅所謂翰雉也。

初四日壬申。過管時當西齋。

初五日癸酉。過西齋。終日夜大雷雨。

初六日甲戌。數日皆夜雨晝晴。是夕星月粲然。

初七日乙亥晴。

初八日丙子。晴。夜雨達旦。

初九日丁丑。雨止。得元明戊辰書。馮孝叔寄書。并送所買藥一節。

初十日戊寅。雨。將侃莫洞。寄買宗寧倚卓錢四千。莫并寄橄欖百枚。筭數十頭。德謹。

岩秦靖寄筍極山藥食罷過管時當西齋。

十一日己卯雨。

十二日庚辰雨。

十三日辛巳不雨。

十四日壬午晴。德謹岩秦靖餽筍山藥炭四籠。鑽竹改火。

十五日癸未晴。

十六日甲申雨。

十七日乙酉晴。

十八日丙戌陰。晨已晴。崇寧道人出諸巖作佛事。

十九日丁亥晴。沐浴於石橋之涵室。

二十日戊子陰。不雨。自南門步向東城。過望仙樓。復至小南門而歸。

二十一日己丑晴。與僧惠宗了觀浴於石橋。叔時來對棋。予敗四局。

二十二日庚寅晴。大熱。不可袂衣。叔時來對棋。叔時再勝而三敗。

二十三日辛卯晴。觀書於南樓。

二十四日壬辰晴。卧於南樓終日。叔時來棋。三勝而再敗。

二十五日癸巳晴。天氣似京師五月。

二十六日甲午晴。接癸巳夜凍雨。晨涼。辰已間陰。晝小冷。

二十七日乙未晴寒。

二十八日丙申晴。發永州書。思立寨。孫彥昇子漸崇。班送石菖蒲二桶。小茱萸四枚。

二十九日丁酉晦晴寒。時作數點雨。不霑濕。發元明丁卯書至長沙。

三月初一日戊戌朔晴。

初二日己亥丁酉戊戌中夜皆澍雨。德謹寨寄大簾一牀。又寄大苦筍數十頭。甚珍。與蜀中苦筍相似。江南所無也。

初三日庚子大雷雨。

初四日辛丑晴。

初五日壬寅晴。入夜星月粲然。

初六日癸卯晴。郭戎送枇杷。甘甚。又送麪兩石。

初七日甲辰晴。党君送含笑花兩枝。

初八日乙巳晴。党君送含笑花三枝。

初九日丙午晴。党君送含笑花兩枝。

初十日丁未晴。党君送含笑花兩枝。作順氣丸成。

十一日戊申晴。暑氣欲不可堪。得元明閏月十四日己巳書。并得相稅書。

十二日己酉晴。

十三日庚戌晴。普義邵革送山藥二節。

十四日辛亥晴。夜中大雷雨。

十五日壬子晴。成都范寥來相訪。好學之士也。得相稅書。

十六日癸丑晴。長沙僧去。發元明戊辰書。

十七日甲寅晴。

十八日乙卯。大雷雨。溝澮皆盈。得張八十外甥須城正月書。

十九日丙辰晴。武陽莫彥照送粟米。

二十日丁巳。大雷雨。溪水溢入城濠。井泉皆達。王紫堂將諸雛入桂林。

二十一日戊午雨。何濬范寥同飯。

二十二日己未。得高德脩書。

二十三日庚申。晴。思立孫子漸送人參茸。

二十四日辛酉。晴。普義邵革侍禁來。

二十五日壬戌。晴。普義送粟米二斗。

二十六日癸亥。晴。

二十七日甲子。大雷雨。郡守殺鷺於城南之龍泓。於是三日矣。

二十八日乙丑。又雨。農夫以為慶。

二十九日丙寅。晴。又雨。

三十日丁卯。晴。

四月初一日戊辰。晴。城西南再火。

初二日己巳。晴。

初三日庚午。晴。馮孝叔送元明己巳書。及相稅書。寄紙藥襪襪及公衮書。送紙六軸。

人參十兩。宋彥明徐靖國皆有書。鄒德久及稅各寄詩來。皆可觀。夜雨震電。

初四日辛未。陰。欲雨。是日煨筍作藕蕲。薑蕲。茄蕲。

初五日壬申。晝晴。夜雨。

初六日癸酉。晴。崇寧僧法旻置飯。與范信中同之。

初七日甲戌。晴。與時當信中剎粽子。

初八日乙亥。午風。未凍雨。少頃又晴。

初九日丙子。晴。

初十日丁丑。晴。

十一日戊寅。晴。

十二日己卯。晴。

十三日庚辰。晴。

十四日辛巳。晴。

十五日壬午。晴。予病暴下。不能興。

十六日癸未。晴。

十七日甲申。晴。

十八日乙酉。晴。

十九日丙戌晴普義寨寄粟米山預。

二十日丁亥晴沙監王稷寄米砂及猿皮。

二十一日戊子晴思立寨寄竹牀。

二十二日己丑晴德謹寨寄竹簟。

二十三日庚寅晴自丙子至庚寅晝夜或急雨簷溜溝水行軌霽間民間未可以立苗也食新蓮實。

二十四日辛卯晴大腑始和沐浴於城南民家。

二十五日壬辰晴崇寧道人來同粥。

二十六日癸巳晴。

二十七日甲午晴市人始賣木等切改子皮殷紅肉甘酸生者微濕核狠大而肉少。

余舊聞嶺南木等子即藥中山茱萸也沙監王稷寄渠酒歷來自去年十二月未請。

二十八日乙未晴。

二十九日丙申四鼓欲竟大雷雨至寅卯少止農民遂有西成之慶乙酉之夜郡守齋宿請雨於上帝郭全甫置酒於南樓與者四人予及劉君賜管時常范信中思立。

孫子漸寄糟。薑葷涼牀。秦禹錫送鮓。

五月初一日丁酉雨。普義邵彥明寄木瓜及蜜。郭子仁送荷苞鮓。

初二日戊戌雨。夏至。郭全甫管時當。李元朴范信中會於南樓。

初三日己亥雨。得元明長沙三月書。南豐三月書。轉附到睦三月書。

初四日庚子雨。晚晴。夜見星月。

初五日辛丑晴。郡中以令為安化蠻置酒。

初六日壬寅雨。

初七日癸卯雨。自此宿南樓。范信中同之。

初八日甲辰雨。陶君送牛脯。鮓鮓蜜梅。

初九日乙巳雨。夜中大雨。

初十日丙午晴。邵彥明寄木瓜二十。

十一日丁未晴。

十二日戊申雨。

十三日己酉雨。